



Bosnia and Herzegovina
Federation of Bosnia and Herzegovina
CANTON SARAJEVO
Ministry of Health

Sarajevo, 30.07.2020.godine

POZIV

za proširenje laboratorijskih kapaciteta za obavljanje mikrobiološke djelatnosti

Federalno ministarstvo zdravstva je dana 28.07.2020.godine dostavilo svim kantonalnim ministarstvima zdravstva **POZIV za proširenje laboratorijskih kapaciteta za obavljanje mikrobiološke djelatnosti** - laboratorijske izolacije virusne RNA i identifikacije uzročnika zarazne bolesti (SARS CoV-2) radi utvrđivanja dijagnoze na COVID-19.

U dopisu se navodi da je imajući u vidu izrazito nepovoljnu epidemiološku situaciju COVID-19 u Federaciji BiH, ali i u bližem i daljem okruženju, što ima za posljedicu veliki pritisak na zdravstvene ustanove, posebno one dijagnostičke, neophodno aktiviranje svih raspoloživih resursa i kapaciteta, kako bi se mogli što uspješnije nositi sa ovim zdravstvenim izazovom. Laboratorijska detekcija koronavirusa SARS-CoV-2 je od izuzetnog značaja za poduzimanje daljnjih mjera zaštite stanovništva od zaraznih bolesti, ali i uspješno liječenje.

U vezi sa naprijed navedenim, Ministarstvo zdravstva Kantona, obavještava sve registrirane privatne mikrobiološke laboratorije na području Kantona Sarajevo, da ukoliko su zainteresirani, upute zahtjev prema Federalnom ministarstvu zdravstva za verifikaciju obavljanja laboratorijske dijagnostike-real time PCR za detekciju SARS-CoV-2 unutar registriranih mikrobioloških laboratorija". Također, potrebno je da raspolažu slijedećim:

1. Zasebna prostorija za ekstrakciju RNK
2. Zasebna prostorija za skladištenje reagenasa, sa odgovarajucim frižiderima (4,-20),
3. Adekvatni frižideri za skladištenje uzoraka
4. Prostorija za instrumentalnu analizu
5. Biokomora za ekstrakciju
6. RT PCR instrument (min.4 fluorescentna kanala)
7. Termo blok



8. Po 1 set pipeta, stolna centrifuga, vortex za ekstrakcijsku sobu i sobu za reagense
9. Standardne operativne procedure za ekstrakciju, amplifikaciju i interpretaciju rezultata
- 10.” Certificate of conformity” testova koji se koriste
11. Minimalno specijalista mikrobiolog ili molekularni biolog ili genetičar, uz kadar predviđen za registraciju mikrobiološkog laboratorija.

Po dobivanju ovlaštenja obavljanja laboratorijske dijagnostike – real time PCR za detekciju SARS-CoV-2, a nakon provednog postupka, privatne mikrobiološke laboratorije, se uključuju u testiranje SARS-CoV-2, kao potpora javnom zdravstvenom sektoru. Pri tome će biti dužne voditi evidenciju o izvršenim laboratorijskim ispitivanjima na COVID-19, te dostavljati redovita izvješća Zavodu za javno zdravstvo Kantona Sarajevo i Zavodu za javno zdravstvo Federacije BiH sukladno Pravilniku o načinu vođenja evidencije o izvršenim laboratorijskim izolacijama i identifikacijama (“Službene novine Federacije BiH”, broj 101/12).



POMOĆNICA MINISTRA

dr Alma Kadić



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1

